

Til våre produsentar.

01.08.2012

Det nærmar seg ein ny fruktseason og mengdene i år ser ut til å verta større enn i fjor. For plommer ser det ut til å verta litt betre avlingar enn fjoråret. Det som er gledeleg i år er at det ser ut til at vi vil få meir av Reeves plommer. På eple ser det og veldig bra ut. Vi har fått tilbakemeldingar på at det er svært lite sopp i hagane. Raud Gravenstein er vel den sorten som er mest ujamn, elles er det på dei andre sortane fin avling.

Bringebær:

Konsumbær skal i år leverast i 300g korg og 12 korger pr. kasse. Industribæra skal i år frysast inn i Lærdal. Sognefrukt har inngått avtale med Lærdal Grønt om tapping og innfrysing der. Mottaket vert på Sognefrukt, men på oppsida der plommemottaket er. Prisen på industribæra er 30,- kr pr kg med frådrag av omkostningar til mottak, frakt og pakking. Truleg ca 5,50- kr pr kg.

Det har komme klage frå industrien før om funn av stilkar, hamsar, blad, og veps. Dette må me ta på alvor. Me kan plutselig få kontroll på lager og ute i felta. So ver nøyen slik at vi kan unngå dette.

I regnvêr har mange eit stort problem med boasniglar i hagane, her må de passa på å ha lokk på containaren, og containaren skal ikkje vera i kontakt med bakken.

Ein snigel i bæra kan få alvorlege konsekvensar.

Når haustinga startar skal sprøyteskjema leverast inn til lageret i utfylt stand av alle som ikkje brukar fruktprogrammet til å registrera sprøytinga.

Sprøyting med ulovlige midlar, kan føre til at heile produksjonen kan gå i vasken.

Veten og Glen Ample skal leverast i kvar sin containar.

Opningstider for levering av bær:

Kvardagar frå kl 07.30 – 15.30. Levering utanom opningstider må avtalast særskilt med fruktlageret.

Moreller:

Moreller skal i år som i fjor **ikkje** pakkast heime. Dei skal leverast til Sognefrukt i lausvekt og hausteemballasje vert ordna. Sortering og pakking vil skje på Lærdal Grønt sitt anlegg. I avtalen med LG held dei egna hausteemballasje. Dei kan de tinga i fruktprogrammet eller ved å ringja lageret. Ver nøyen med kvaliteten som vert levert.

Sognefrukt leiger transport til Lærdal og det vert ikkje høve til å levera direkte på bilen.

Morellene skal inn på kjøll og leverast samla frå Sognefrukt.

Plommer:

Plommer skal leverast i lausvekt til lageret i ifco 6413 kasse. Det er same kasse som tidligare. Ca 12 kg pr kasse og ikkje så fulle at det vert klemskade. Alle minstestørrelsane står på etiketten med unntak av Opal. Der er minstestørrelse endra til 37mm (står 38 på etiketten). Me kjem til og køyra ut hausteemballasje som tidligare. Hausteemballasjen må tingast gjennom fruktprogrammet eller ved å kontakta lageret.

I plommesesongen vil det vera utvida opningstider.

Laurdag frå 14.30 – 15.30

Kvardagar frå 19.30 – 20.00 etter avtale. (må gi beskjed innan kl 15.00)

Det vil også verta oppretta køyrerute på kveldstid. Den startar frå lageret kl 19.00. Innmelding for kveldsrute innan kl 15.00 same dag. Innmelding for dagruta so tidleg som mulig og seinast innan kl 10.00.

Til produsentar i Balestrand har me avtale med lageret om at de set plommene inn på kjøll slik me hadde det i fjor. Me hentar kvar morgon. Det som vert sett inn der må også innmeldast til lageret, slik at me veit kor mykje som skal hentast. Kvar levering må setjast samla på ein pall og berre ein sort på pallen.

Emballasje blir køyrt direkte ut til Dykk.

Det kvite fylggebrevet legg de i mappa utanfor kjølerommet, og den gule kan de leggja i den kassen som står øvst på pallen. Hugs at fylggebrevnummeret skal skrivast på kvar kassetikett.

Pærer:

Det ser ut til å bli middels store avlingar av pærer dette året.

Alle pærer i år blir sortert på lageret. Dei minste pærene vil verta pakka i korg og dei største i 2-lags brett.

Epler:

Det ser ut til at vi får gode avlingar på dei fleste eplesortane i år. Sorteringane vert som i fjor. På tidlegeple vert 60/65 pakka i korg og større i 2-lags brett. På seine sortar skal dei minste epla pakkast i 1 kg posar. Største epla skal pakkast i brett. Discovery, Summerred, Raud Gravenstein og Raud Aroma skal 68 – 76 mm pakkast i 6 pack. For Kronprins vil alt verta pakka i pose.

Fruktlageret set som krav at det blir sprøytt mot kjølelagersopp på sortar som skal langtidslagrast.

Skjema for dokumentert produksjon skal som tidligare returnerast til fruktlageret i utfyllt stand etter sprøytinga er avslutta. Dei som fører sprøyteskjema i dataprogrammet slepp dette.

Kontakt lageret om de treng sprøyteskjema.

Det blir same innleveringsboka som de hadde i fjor. Ved utfylling av følgjebrev skal det berre vera ein sort pr. følgjebrev.

I all innmelding skal det no oppgivast leveringsnummer. Det betyr i praksis at fylggebrevet må utfyllast før partiet vert meldt inn. I tillegg må vi ha god merking av alle kassar.

For plommekassar skal leveringsnummer skrivast på etikettane på alle kassar. Dette for å effektivisera vårt arbeid ved flowpakking.

For eple og pære skal alle kassar vera merka med eit A4 ark lagt i plast oppi kassen. Det skal innehalda produsentnummer/ namn, sort, dato, leveringsnummer og atal kassar på dette leveringsnummer. Dei som melder inn via fruktprogrammet kan skriva ut merkelappane der, og vil då få eit ark for kvar kasse som er innmeldt. For dei som ikkje har høve til å skriva ut vil vi kopiera opp ark som de kan få utlevert ved å kontakta sjåfør ved levering.

Vi veit at i Leikanger er det eit stort problem med boasneglar. Pass på og ikkje setja kassar rett på bakken. Vi kan då unngå at sniglar blir sitjande/kryp opp i kassane. Det er ikkje noko kjekt viss vi får dette inn på huset. I vått ver kan vi unngå mykje skit som heng seg fast i kassane viss de ikkje set containeren heilt i bakken. Alt som legg seg under containeren vil koma opp i ein annan container under stabling og resten vil koma opp i karet med vatn under pakking. Det blir strengare krav til hygiene og ved slike små tiltak kan vi unngå noko av dette.

Lukka til med frukthausten og so håpar vi på godt ver framover.
Ta kontakt med lageret om noko er uklårt.

Helsing oss tilsette ved fruktlageret.